

# 永樂大典

卷二千三百四十  
一

永樂大典卷之二千三百四十一

六模

梧

宮室

藤縣古藤志江月樓在州治東北本舊城北門二蘇寓此嘯傲於上見其東北二水合流樓下時秋高夜靜波光月色兩相掩映因扁之曰江月其詩曰江月照我心江水洗我肝又曰嶠南瘴癘地有此江月寒乃知天壤間何人不清安詳見文翰類近增廣舊城樓居城中波光月色無復佳致州人真浮屠象于其上將微之以奉二蘇焉元一統志在州宅取坡詩藤州城下詩有此江月寒之句古藤志環翠樓即藤江驛樓也洪武壬子季夏初建廣西憲僉葉公原賀以其四面好山三江秋水青跳碧躍因大書環翠以扁之元一統志鬱繡江樓在州城東合鬱江繡而名之本府輿地紀勝嘉魚亭在子城南蒼梧記云丙穴出嘉魚故名蒼梧志朗吟亭內奉呂洞賓仙像在州城東北東山道院之側藤縣古藤志光華亭廢久不知其處惟浮金亭記稱與光華亭相對又詩

永樂大典卷二千三百四十一

話載少遊逗留留光華亭詢諸父老無所知愚意營脊上有華光廟正與浮金亭相對恐即此也浮金亭在藤縣還淳門外江東亦坡僊盤桓之地舊基在東山上近遷水涯其意即江月之義也又曰小天竺詳見費克忠記容縣容州志面面亭在州城內東北蓮池中間先賢有題面面看芙蓉今廢萬松亭在州城外西北廣松之高坡建置劉禹錫詩云萬松亭下來清風今廢滄浪亭在州城西三里濯纓石上下有石如紫玉樽暮春鄉人楔焉今廢繡江亭在州城西繡江驛前登樓江山一覽可盡元一統志迎富亭在州與滄浪亭相對容俗以二月二日為迎富節因以名是亭容州志讀書臺在州東陳帥廟前江之南岸昔漁人繫舟於其下聞有琅琅之音次早上登不見因得名焉元一統志在普寧縣東一十五里兩峯峭立擁溪東下舊傳漁者夜聞山巔琅琅有弦誦聲因目之為讀書臺容州志經畧臺在州南城上建閣乃為節度之尊輿地紀勝在道遙樓之陰容州志釣魚臺在州城西江滄浪亭畔因得名其石尚在

祠廟

岑溪縣古藤志孝感祠在岑溪縣東三十里即孝子蘭故居鄉民以木母著靈因共神之水旱疾疫禱焉輒應祠燬于隋有碑沒于水故諺曰里名

勝母曾參避見說丁蘭在此村。可惜石碑沉水底。詩人不得細推論。大仲曰。孝為百行之原。自天子至於庶人。未有不以孝而成。令德者。孝子生處南表。而能竭力奉親。終身思慕。無情木石。亦為之靈。聲名巍巍。上與底豫之大聖。負米之大賢。並轡馳驅。使千秋百世之下。神而祀之。簡書記而載之。大哉賢乎。夫大舜生值帝堯之世。仲子親聞先聖至道。其孝宜矣。孝子生仁義陵遲。詩書滅絕之後。處徭撞之間。其所師為何人。所聞為何事。通能事亡如存。非天錫純孝。不為風聲習氣之所漸染。出類拔萃。其能然乎。宜其廟食百世。愈久愈光。是祠之設。與其他祇神野鬼。可同日而語哉。惜乎廟燬于隋。無所瞻慕。前乎此者。畧不經意。豈崇德勵俗之道哉。文仲親老居貧。逐鹿萬里。溫清禮缺。聞孝子之風。惕然而驚。赧然而俱。因命岑溪主簿趙琛。去故北數十步。宏其規模。創屋三楹。僉憲富公。因名之曰孝感。命工繪孝子母子象于其間。仍遣人祝之。於載孝子不匱。永錫爾類。使州之人。登孝子之堂。拜孝子之像。觀感興起。豈不踴躍。

本府。蒼梧志三皇廟。虞帝廟。在子城東文廟之右。文廟。在子城東壹里。宋咸平五年。知州事。部員外郎何蒙。修建。至元祐。知州朝奉郎張唐輔。移就州城東北二里七十六步。寶興寺水泉之北嶺。中遷就州東二百

水樂大典卷三千三百四十一

二

五十步。致和三年。移就州北八十步。於建炎三年。知州文彥明。移就州東放生他畔一里。至紹興三十年。知州任通直。以羅漢寺改作。在州東百八十步。城隍廟。在州城外東南隅。九龍廟。在州城東四里。唐大中五年。蒼梧縣令吳濤。以境內亢旱。祈禱於此。致有黑龍升天。甘雨隨注。百姓賴焉。嘉應廟。在州東一里。溫母廟。在州城北二里。宋元祐二年。曾遷城東一里。按粵志云。溫氏。端溪人。常捕魚。遇一巨卵。收而秘之。後有物如守宮狀。元卵而長五六尺。躡躍波中。繫繞舟之側。秦皇問而遣使召。至始平江。龍引船而還。溫氏卒。瘞于江陰。今晉康即悅城。有本廟。龍王廟。在州東七里。火山。虞部廟。在城南。隔大江。火山下。石英廟。在縣西隔桂江。俗以其地產石英。因置廟焉。五通廟。在子城外西北隅。角廟。在州城西隔桂江。祇政廟。在州城東一百步。祇胡神。按漢圖八月。以金人祭天。其廟皆胡人居中國所立。號天神。金牙廟。內奉唐將尉遲敬德像。在州城東南。擗雲坊。北府令公廟。在州城外東南。天妃廟。在州城東二里。

岑溪縣。古藤志。岑溪三皇廟。在縣衙西北隅。岑溪縣城隍廟。在社壇西。東山廟。在水東二里。廟祀李衛公靖。詳見祠碑。雷廟。在縣治北。李

衛公廟。在縣西北半里。

藤縣。古藤志三皇廟。在文廟西。文廟在藤縣登俊坊南去還淳門半里許。僻在城隅。橫截平岡。前後逼側。似非安聖靈崇禮教之所。况廟宇日久。風雨震凌。木植朽腐。修廢起弊。不可得。乃相新址於南山。地勢寬平。氣象清朗。諸峰拱揖。二水回環。與舊址夔絕。將改圖焉。古藤志城隍廟。在藤縣三元坊。即舊鐔津縣治。舊廟在澄清街口。今廢。東嶽廟。在藤縣城南還淳門外。雷廟。在南山。伏波廟。在藤縣興仁門外。世傳以為馬援征南過此。故祠焉。五顯廟。在由義門內。容縣。容州郡志三皇廟。在州西儒東。文廟。在州城外西南街。城隍廟。在城內西街。東嶽廟。在西城外三皇廟東。懷集縣。昭潭志三皇廟。在縣東。城隍廟。在縣東。鬱林州。鬱林志三皇廟。在州城之東。城隍廟。在州城之南。博白縣。鬱林志三皇廟。在縣城東。城隍廟。在縣城東。伏波廟。在縣之南四十里。乃漢時將軍馬援之廟也。興業縣。鬱林志城隍廟。在縣城之東北。岑溪縣。古藤志真武殿。在縣治北。

永樂大典卷三百四十一

藤縣。古藤志真武殿。在登俊坊。

寺觀

本府蒼梧志開皇寺。在子城東一百步。唐天授元年置。初名重輪寺。開元二十六年改今額。報恩光孝禪寺。在子城東二里。初名慈福寺。宋崇寧二年改賜崇寧萬壽禪寺。政和元年。改天寧萬壽禪寺。後元改今額。羅漢寺。在子城東一百八十步。宋紹興十九年。知州任通直移就。水井舊基。創造。今在城東二里。元一統志在州東北有雙龍洞。碑云水泉之側有洞。其上有庵。庵前雙松。干霄有飛騰天矯之勢。蒼梧志慶林寺。在州北二里。金石寺。在州東四里。吳時有道人李牛渡江。因語舟人曰。船內牛糞。聊以為時。舟人視之皆金也。道人併牛藏隱石下。因名金石。後有僧玄覺。置寺於其地。元一統志在合石山。蒼梧志寶興寺。在子城東北二里。唐神龍元年置。初名大唐中興寺。補闕張景伏上疏。稱唐運承周。非謂中興。請除中興之字。真以大唐龍興為號。上納之。詔天下寺皆改龍興寺。宋宣和四年。改今額。已廢。慶雲寺。在子城東北三里。清善寺。在子城東北一里。偽漢改為資慶寺。今廢。雙峯寺。在州西七十里。宋祥符四年。改今額。崇化寺。在州西南二十七里。唐武德四年。融州刺史李習建。初名

菩提寺。會昌五年廢。大中十二年復置。改今額。雲蓋寺。在州東一十里。蘇山超己寺。在州南八里。興德寺。在州南二十里。興教寺。在州西南二十七里。資福寺。在州南八十里。岑溪縣。古藤志壽寧寺。在岑溪縣北一里許。

藤縣。古藤志廣法寺。在水東五里。即明教師出家之地。洪武初。寺為野燒所毀。即舊乾亨寺。法寺有木相身而松枝。其葉似松非松。似栢非栢。生於泥中。其大四五圍。高可五七丈。根已上五尺許。二株合而為一。又枝歧為二枝。生子亦頗異。其時歲寒與松相同。人指以為連理木云。元一統志在

鍾津縣東二里。即高僧契嵩受業院。有御書閣藏先朝所賜凡十七卷。御書十七軸。餘卷甚多。古藤志真覺寺。在水東岸。萬壽寺。在玄妙觀西。

容縣。容州志隆興寺。在城外西北。懷集縣。昭潭志寶福寺。在縣西。

鬱林州。鬱林志寶相寺。在州城之東。博白縣。普明寺。在縣城東半里。

興業縣。興元寺。在縣城之西半里。本府。蒼梧志玄妙觀。在城東二里。唐開元二十九年置。初名玄元宮。天寶

永樂大典卷三千三百四十一

元年改紫壁宮。宋祥符八年改天慶觀。元朝改今額。白鶴觀。在縣西二里。隔桂水。唐開元二十年置。元一統志在州西隔江。壇側生白石芙蓉。唐開元二十七年置。咸通末鄭畋自翰林學士承旨。貶為州刺史。增修觀宇。臨池建水閣。因題詩曰。松陰如惺水如羅。秋盡山青白鳥過。獨坐一庵心正寂。數聲何處竹枝歌。蒼梧志慶林觀。在縣西南二十五里。唐乾封元年置。岑溪縣。古藤志玄妙觀。在縣治北一里許。

藤縣。古藤志玄妙觀。在三皇廟西。秦太虛觀。在處州時作好事。近曰。山路雨添花。花動一山春色。行到小溪深處。有黃鸝千百。飛雲當面化龍蛇。天矯掛空碧。醉卧古藤陰下。杳不知南北。後再遷海南。歸至藤州。逗留光華亭。一日醉起。以玉盃汲泉。笑視之而死。時人以高詩識。

容縣。容州志玄妙觀。在西城外大街。懷集縣。昭潭志寶寧觀。在縣東。

鬱林州。鬱林志玄妙觀。在州城之東。博白縣。玄妙觀。在城之東半里。

興業縣。玄妙觀。在縣城之西南。本府。蒼梧志觀音堂。在州城北。興善坊裏。

永樂大典

卷二三四一

藤縣古藤志普庵堂在城隍廟東。觀音堂在文廟南。

本府蒼梧志東山道院在州城東北。太平院在州東七里。南定院在

州西南一百里。報恩院在州南九十三里。興德院在州南四十五里。

地藏院在州東二十里。清泉院在州南四十五里。

壇壝

本府蒼梧志社稷壇在子城西。雷師雨師壇並在子城北。風師壇在

城西。岑溪縣古藤志社稷壇在縣北。風雲雷雨山川壇在縣南。無祀鬼神

壇在社稷壇西。

藤縣社稷壇在由義門外三里。風雲雷雨師山川壇在還津門外三

里。南山之巔。鬼神壇在社稷西。

容縣谷州志社稷壇在城西北。依式立石垣墻。厨庫屋宇一一完備。春秋

仲月上戊日致祭。風雲雷雨山川壇共一所。于州南建立神厨庫房。一

一如式。歲時依頒降日辰致祭。無祀鬼神壇於城正北築壇。一一如式。

歲時致祭。

懷集縣昭潭志社稷壇在縣西北。風雲雷雨山川壇在縣南。無祀鬼

神壇在縣北。

鬱林志鬱林志社稷壇在城西南。風雲雷雨山川壇在城南。無祀鬼

神壇在城北。

北流縣谷州志社稷壇在縣西北。風雲雷雨師山川壇皆在縣西南。

無祀鬼神壇在縣北。

陸川縣谷州志社稷壇在縣西北。風雲雷雨師山川壇在縣西南。無

祀鬼神壇在縣北。

博白縣鬱林志社稷壇在縣城北。風雲雷雨山川壇在城東南。無祀

鬼神壇在城北。

興業縣鬱林志社稷壇在縣城之南。風雲雷雨山川壇在縣城東南。

無祀鬼神壇在縣城北。

官制

國朝本府 知府 正四品 同知 正五品 通判 正六品 推官 正七品 經

歷司經歷 正八品 知事 正九品 照磨所照磨 從九品 檢校 未入流

司獄司司獄 從九品 儒學教授 從九品 訓導 未入流 僧綱司都綱

從九品 副都綱 未入流 道記司都記 從九品 副都記 未入流 陰

陽

未入流

未入流

未入流

未入流

未入流

未入流

未入流

未入流

未入流

永樂大典卷二三四一

五

陽學正術。使九品。醫學正科。使九品。廣備倉大使。使九品。副使。未入流。稅課司大使。使九品。梧州運運所大使。未入流。廣備鹽倉大使。副使。未入流。

蒼梧縣。知縣。正七品。縣丞。正八品。主簿。正九品。典史。未入流。儒學教諭。未入流。訓導。未入流。長行鄉巡檢司巡檢。使九品。安平鄉巡檢司巡檢。使九品。府門驛丞。未入流。龍江驛丞。未入流。河泊所官。未入流。

岑溪縣。知縣。正七品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。烏峽寨巡檢司巡檢。使九品。連城鄉義平巡檢司巡檢。使九品。

藤縣。知縣。正七品。縣丞。正八品。主簿。正九品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。稅課局大使。未入流。赤水鎮巡檢司巡檢。使九品。賓家寨巡檢司巡檢。使九品。白石寨巡檢司巡檢。使九品。雙旄驛丞。未入流。金鷄驛丞。未入流。黃丹驛丞。未入流。

永樂大典卷二千三百四十一

六

丞。未入流。藤江驛丞。未入流。河泊所官。未入流。容縣。知縣。正七品。縣丞。正八品。主簿。正九品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。粉壁寨巡檢司巡檢。使九品。波羅里大洞巡檢司巡檢。使九品。自良驛丞。未入流。繡江驛丞。未入流。

懷集縣。知縣。正七品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。武城鄉巡檢司巡檢。使九品。慈樂寨巡檢司巡檢。使九品。

鬱林州。知州。使五品。同知。使六品。判官。使七品。吏目。使九品。儒學學正。未入流。訓導。未入流。僧正司僧正。未入流。道正司道正。未入流。陰陽學典術。未入流。醫學典科。未入流。陸川大洞運運所大使。未入流。永益倉大使。未入流。副使。未入流。稅課局大使。未入流。南流稅課大使。未入流。大塘稅課局大使。未入流。辛立稅課局大使。未入流。西甌馬驛丞。未入流。北流運運所大使。未入流。

使。未入流。西甌馬驛丞。未入流。北流運運所大使。未入流。

北流縣。知縣。正七品。縣丞。正八品。主簿。正九品。典史。未入流。儒學教諭。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。大洞馬驛丞。未入流。寶圭驛丞。未入流。容山開官。雙威寨巡檢司巡檢。

陸川縣。知縣。正七品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。温水寨巡檢司巡檢。從九品。陸川大洞巡檢司巡檢。從九品。永寧馬驛丞。未入流。

博白縣。知縣。正七品。縣丞。正八品。主簿。正九品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。周羅寨巡檢司巡檢。從九品。沙河寨巡檢司巡檢。從九品。

興業縣。知縣。正七品。典史。未入流。儒學教諭。未入流。訓導。未入流。僧會司僧會。未入流。道會司道會。未入流。陰陽學訓術。未入流。醫學訓科。未入流。高橋馬驛丞。未入流。富陽馬驛丞。未入流。梧州所守禦。正千戶。副千戶。百戶。所鎮撫。

永樂大典卷之三十三

七

鬱林所守禦。正千戶。副千戶。百戶。所鎮撫。富川所守禦。正千戶。副千戶。百戶。所鎮撫。容縣所守禦。正千戶。副千戶。百戶。所鎮撫。淮陽所守禦。正千戶。副千戶。百戶。所鎮撫。懷集所守禦。正千戶。副千戶。百戶。所鎮撫。

公署

懷集縣。昭潭志。公廨。按舊志。縣治在蓮花岡之前。宋代基址。元朝仍舊。至正壬辰。被外寇焚毀。侵據十餘年。洪武二年。春。縣丞萬亨始復舊治。其時革創。洪武三年夏四月。知縣楊定省。恪遵新式。建造公廨。及官吏私第。洪武八年。知縣徐泰繕修。

鬱林州。鬱林志。州治公廨。昔在郡之北。連有石槽。陂取水流入。向城之壕。而透其內。駐一池。於是公廨之傍。水秀澄清。號以西甌也。元末。為兵火荒廢。歸附。

聖朝。依式。從新鼎立。正廳一座。三間。幕次一所。司吏房六間。外建儀門。東設祭閣庫。永盈倉。守禦百戶所。并按察司公廨。西有益成庫。後併兩傍。建官吏住宅。莫然一新。



傳白驛。鬱林志。縣治之西。有雙角綠珠嶺。於後傍左右有飲馬九曲江。水向縣東流。號為古白也。其縣邑舊治荒廢。歸附。

聖朝。從新修造。鼎建公廨。外有儀門。中則正廳。左則典史幕。東西六房。左右各有官吏住宅。邑治有規。莫然一新焉。

興業縣。鬱林志。縣之公廨。自兵亂連年。前後屋宇傾廢。歸附。

聖朝。依式鼎建。前則儀門。中則正廳。左為典史之幕。東西兩廡。為司吏房。正後左右。建官吏住宅。新規模焉。

倉庫

本府。蒼梧志。廣備倉。在子城內北隅。

藤縣。古藤志。廣貯倉。在州治西南。

容縣。容州志。永豐倉。在州東。

鬱林州。鬱林志。永盈倉。在州治之東。

本府。蒼梧志。湧泉庫。在子城內東北隅。

藤縣。古藤志。永豐庫。在州衙內。

容縣。容州志。便益庫。在州衙內。

鬱林州。鬱林志。益成庫。在州治之西。架閣庫。在州治之東。

永樂大典卷三千三百一

傳白驛。鬱林志。架閣庫。在縣治西。

興業縣。鬱林志。架閣庫。在縣。

驛傳

本府。蒼梧志。府門驛。在州城東三百三十步。舊名城東驛。唐建中初立為

蒼梧驛。宋光化中改為鳳樓驛。大觀四年移在川之南江邊。元朝改府門

驛。今復蒼梧驛。龍江驛。在州西北。

藤縣。古藤志。藤江驛。在州南半里。係三江會口。上水接連黃舟金鷄二驛。

下水至蒼梧驛。黃舟驛。去州西南。接連潯州府平南縣烏江驛。通左右

兩江等處水道。金鷄驛。去州南。接連雙境驛。雙境驛。又去金鷄驛南

接連容州自良驛。通海南北大路。

容縣。容州志。繡江驛。在州西城外迎恩坊。上水至北流縣寶圭驛。下水至

本州自良驛。自良驛。在州東下水一百里。下至藤州雙競驛。寶圭驛。

隸北流縣。驛在縣治西。陸路西至蔚林州東至本州。大洞驛。在陸川縣

郭南至永寧驛。北至蔚林州。永寧驛。在陸川縣。離縣一百里。化州界分。

西至三合驛。東至大洞驛。

鬱林州。鬱林志。在城驛。在城之南。

永樂大典

卷二三四一

本府。蒼梧志。鋪舍。在城。府門鋪。東路一鋪。至封州界。東涌鋪。南路三鋪。至藤州界。黃堂鋪。富雷鋪。大寒鋪。北路一十鋪。至賀州界。新塘鋪。印山鋪。栢梯鋪。山心鋪。高橋鋪。浮水鋪。兩塘鋪。宿子鋪。三榜鋪。龜田鋪。

藤縣。古藤志。鋪分。本州并岑溪縣。總計叁拾叁鋪。本州三十二鋪。東路至梧州府蒼梧縣界六鋪。古拉鋪。富野鋪。長峒鋪。古村鋪。

平江鋪。蒙廊鋪。西南路至梧州府容州界。一十五鋪。佛子鋪。三合鋪。黃鑿鋪。富門鋪。下涌鋪。水西鋪。潘峒鋪。平田鋪。大涌鋪。古雲鋪。茶山鋪。思仲鋪。白藤鋪。思羅鋪。分界鋪。東

南路至本州岑溪縣界。自古粒分路三鋪。三橋鋪。平城鋪。合水鋪。蓬塘鋪。驛面鋪。峽特鋪。羅彭鋪。羅密鋪。州門一鋪。岑溪縣

一鋪。西路至潯州府平南縣界。自三合鋪分路七鋪。陸窩鋪。潭水鋪。容縣。容州志。鋪舍。本州八鋪。州門鋪。東路至藤州界五鋪。山口鋪。

東泉鋪。官塘鋪。逍遙鋪。江洞鋪。西路至北流縣界二鋪。長安鋪。西山鋪。

永樂大典卷二三四一

九

懷集縣。昭潭志。郵置。縣門。鉄嶺。陂羅。錢村。石種。太平。佛子。禔村。馬躋。

鬱林州。鬱林志。郵傳。州門鋪。沙水鋪。壽昌鋪。長生鋪。新安鋪。鴉橋鋪。白石鋪。橋荔鋪。長寧鋪。蘇立鋪。石西鋪。

北流縣。容州志。本縣四鋪。縣門鋪。東至本州界二鋪。龍頭鋪。西容鋪。西至鬱林州界一鋪。桂門鋪。

陸川縣。容州志。本縣一十三鋪。縣門鋪。北至蔚林州界四鋪。華山鋪。長安鋪。長寧鋪。榕林鋪。西至石城縣界八鋪。洞安鋪。烏

江鋪。安寧鋪。永安鋪。蓮池鋪。永興鋪。腰觀鋪。北當鋪。博白縣。鬱林志。郵置。縣門鋪。馬祿鋪。綠珠鋪。浪馬鋪。頓谷鋪。

花石鋪。馬鞍鋪。興業縣。鬱林志。郵傳。縣門鋪。長山鋪。鳴水鋪。山心鋪。平山鋪。蓬塘鋪。西水鋪。

稅課

本府。蒼梧志。稅課司。在州城外東南隅。藤縣。古藤志。稅課局。在還淳門外。

容縣。容州志稅課局。在城外西南街。

懷集縣。昭潭志務。懷集津。在縣街東南。

鬱林州。鬱林志志稅課局。在州城之西南。

博白縣。鬱林志志稅課局。在縣城東。

興業縣。鬱林志志稅課局。在縣城之西。

申明亭

鬱林州。鬱林志申明亭一所。在州之南。

博白縣。申明亭。在縣之東半里。

興業縣。申明亭。在縣城之東。

局院

藤縣。古藤志惠民藥局。在營脊上。即舊千戶所。

容縣。容州志惠民藥局。在州治南街。

懷集縣。昭潭志惠民藥局。在縣街西南。

鬱林州。鬱林志惠民藥局。在州城之南。養濟院。在州治之南。

博白縣。養濟院。在縣之東半里。

興業縣。養濟院。在縣城之東。

水樂大典卷二十三

十

學校

藤縣。古藤志儒學。在登俊坊。鍾津縣學。在江東。

容縣。容州志儒學。在城外西南街。舊經文廟。在州西一里。補江右西南

隅。宋真宗咸淳。神宗熙寧。元豐高宗紹興年間。凡經四次倫魁亞擢。正奏

登科而得五人。仕至御史憲漕等職。紹興乙丑。郡守黃公亨彥。改初於駱

駝橋之西北。易坊名儒興。淳熙九年。郡守范公德勛。遷于子城門外之東

浮屠故基。未幾自城東遷于城西。咸淳戊辰。季冬。野火延燒。殿宇燬燼。已

已。權郡黃公輔。徙于城西二里。故教場之南。甲戌冬。知郡趙公若說。捐已

俸三百餘貫。加功鼎建。丙子。草寇楊先作耗。燒毀學宮。至元十六年。己卯

後。徙于城西。故教場之南。己巳。郡守黃公輔。先徙學基也。大德七年。癸卯

仲冬。又為野火燬燼。迨季冬。判府姬公明。遷之于城西大街。至元丁丑。郡

守劉公詰。遷于駱駝橋之西北。即紹興乙丑學舍故基也。本州普寧北流

陸川三縣。每歲各有租糧送納。洪武二年。己酉。錢糧併歸本州科徵。學校

不廢。時郡守王公清。留心重修明倫之堂。掃星應門。仍於學西設立射圃

墻垣。粧繪聖像一新。貢院三歲大比。郡試于有司者。千百餘人。預計

偕者凡八。宋嘉定二年。郡守蔣公南。始創於報恩寺之西。前立梯雲坊。

歲久傾頽。紹定庚寅鄧公舉。葺而新之。惟監試位猶尚遺。反端視平改元。初當時賓興。權郡梁公价與同僚相視。拜闈地基十丈。為考試房。外有彌封。榜錄二所。舊多臨期編茅為之。畢則撤去。仍每所各置三間。如左右翼。於大門之外。復植一門。而棘圍之。制備矣。經畫其事者。推官陳仁壽也。宋末楊先亂後。連年賊寇擾攘。莫能興舉。五賢堂記。容為古粵地。舊隸交州。貞觀八年改為容州。迄今六百年矣。刺是郡者未嘗乏人。惟五賢為稱者。豈惟非鳳凰麒麟世不常有。所以為嘉瑞也歟。唐代宗時。有元次山身論夷首。綏定八州。繼有王宏胄。出財募士。與賊鏖戰。悉復疆宇。在德宗時。有戴叔倫。綏徠夷落。赫著威名。在順宗時。有韋文明。興崇學校。教民稼穡。仁化盛行。我建炎間。有王慶曾。思慕元子。刻其儀表。以便觀省。蠲免科租。刻石猶在。是五賢者。豐功實德。著在青史。蓋人耳目。豈易得哉。容去朝廷極遠。分符而至者。類皆因循苟且。其能興利除害。景慕先哲者。百無一二。唐元子距建炎中。二百七十年。有王慶曾出焉。由慶以來。六十餘年。有譚公出焉。譚公以來。二十年。馬公出焉。寥寥六百年間。五賢之名。得譚公而始彰。五賢之政。得馬公而益顯。思賢之堂。雖初於譚第。止用小牌列其名位。寔於壁間。欽慕徒勞動費。則未幾頽毀。又椽片瓦無復存者。經八政而恬不介慮。我公既至。念其湮微。鼎而新之。塑其像而祠之。信五賢守之不易得。如鳳鳴朝陽。麟遊林藪。為治世之嘉瑞也。抑嘗聞天下之善士。斯友天下之善士。以天下為未足。又尚論古人。誦其詩。讀其書。如正考甫之慕尹吉甫。司馬相如之慕蔣相如。其志尚慨然。企慕於數百年之下。得古人尚友之意。可不加內而屢歎耶。公之盛年。負個儻英銳之氣。言天下事。三相而為言。賜對孝宗朝。頗蒙加納。今觀過忠錄四十九篇。其言精雅。無非切中利病。自欽倅滿得。即入對。後論蠲海蛋之丁稅。罷廣民之科擾。乞復白皮盜場。意在於興利除害。求以便民者。念念不忘。上可其奏。悉罷行之。抵容下車之初。創造郡學。勸課農桑。有古循吏之風。比之五賢。實相伯仲。故并述其大槩而記之。使後之觀政者。於此可以想見也。嘉定元年冬至日。勾漏書院與地紀勝在州學。

鬱林州鬱林志學校廢弛久矣。自歸附

聖朝。修建正殿一座。東西兩廡各十間。後建明倫堂并齋舍。外置櫺星門戟門。西置射圃。內設學正一員。訓導三員。主負三十名。一新規矩。又立鄉村社學二十八處。每處設社師一員。主負一十五名。

博白縣。鬱林志學校。自元末兵亂連年。廢弛不存。歸附  
聖朝。從新鼎建。正殿三間。東西兩廡。後建明倫堂齋舍。東置射圃。內設教諭一  
員。訓導二員。生員二十名。又於鄉村續設社學三十五處。每處設社師一  
名。生員一十五名。文風漸振矣。

興業縣。鬱林志縣學。自元末兵亂。淫賊連年。遂以廢弛。自歸附  
聖朝。重修建立。正殿三間。東西兩廡。明倫堂并齋舍。戟門。櫺星門射圃。內射教  
諭一員。訓導二員。生員二十名。一新制度。又於各鄉村設社學六處。每處  
教諭社師一名。生員一十五名。

兵防

本府。蒼梧志。澄海營。在州城外西北隅。 巡檢司。九五處。蘇香格縣。東  
安鄉巡檢司。 多賢鄉巡檢司。 安平鄉巡檢司。 平樂鄉巡檢司。 長  
行鄉巡檢司。

藤縣。古藤志。四鎮。赤水鎮巡檢司。距州城東北水路半驛程。控扼梧藤  
交接之境。 實家寨巡檢司。距州城二驛上水三日。控扼藤容境上。陸路  
舊有思羅寨。洪武元年裁革。白石寨巡檢司。距州城西北一驛之程。控  
扼四屯。蒙江口藤濤之境。 烏峽寨巡檢司。隸岑溪縣。距州城之東南一

永樂志卷之三十四

十二

百二十里。烏峽山口。近邊縣治西北。

容縣。容州志。粉壁寨巡檢司。距州城之南。接連高州信宜縣界。 雙威寨  
巡檢司。隸北流縣。在州之西南。接連化州界。 溫泉寨。隸陸川縣。在州之  
西。接連化州石城縣。蔚林州博白縣界。元一統志。巫山寨。玉虛洞之坤維  
得馮道士石寨。遠而望之。天地設險。隱若鐵甕城也。

懷集縣。昭潭志。堡寨。 武城巡檢司。 慈樂巡檢司。

鬱林州。鬱林志。郡自唐以來。未有設置鎮寨之所。而往往有溪峒。淫蠻。劫  
掠良民為害。宋朝始立營寨於郡之四鄉。鎮遏蠻徭出入去處。設許州冷  
水河二處。百戶所軍丁人等以守禦焉。元朝至正年間。設巡檢司五處。曰  
金嶺。白党。州。白趙家。白周羅。白沙河。每寨設巡檢一員。弓兵三十名。固守  
要路。歸附。

聖朝。仍於各寨設官吏各一員。弓兵三十名。以巡防焉。又於本州調撥廣西衛  
百戶二員。統領大軍。就彼守禦。民賴以安。 党州寨巡檢司。 金嶺寨巡  
檢司。

博白縣。鬱林志。沙河寨巡檢司。 周羅寨巡檢司。  
興業縣。鬱林志。趙家寨巡檢司。在縣西十五里。

# 永樂大典

卷二三四一

教場

鬱林州。鬱林志在郡東南。羅城二百三十步。

古跡

本府蒼梧志歌羅城。在州西南六十里。隋開皇十六年。融水魯國公李賢所所築。以屯師衆。後因為地名。

容縣。元一統志舊羅州城。在州境內。按九域志云。古勾漏縣城。在州境內。按九域志云。

陸川縣。元一統志古銅州城。九域志云。唐置銅州。以州西帶銅山。故以名。後改為容州。

興業縣。元一統志鐵城。在興業縣。即舊鬱林州里也。

藤縣。輿地紀勝。藤州。藤江自鬱州入永平縣。元一統志古鬱州。唐武德五年置。折貴州之桂平縣置。故南儀州土地所屬。自秦已前州與潘州同。

漢置蒼梧郡。此州即蒼梧郡之猛陵縣地。猛陵縣今梧州界。隋為永熙郡。之永業縣。唐武德五年江表底定。於此置南義州及四縣。貞觀初州廢。以縣入南建州。二年復置義州。還以故縣來屬。五年廢義州。又以縣屬南建州。六年復置義州。又割故縣來屬。天寶元年改為連城郡。乾元元年復義州。

永樂大典卷二千三百四十一

十三

州名。宋開寶四年加南字。五年廢入賓州。六年復置。太平興國二年改儀州。熙寧四年廢入藤州。

容縣。輿地紀勝。銅州。唐武德四年置。

鬱林州。寰宇記。廢黨州。本寧仁郡。理善勞縣。即古西甌所居。秦置桂林郡。漢為鬱林郡。唐置黨州。或為寧仁郡。與平琴州同土俗。西至平琴治所二十里。建中二年廢平琴州。入理容山縣。其善勞縣。在容山縣東二十里。

廢牢州。本定川郡。理南流縣。秦為象郡地。二漢屬日南郡。吳省晉平吳。復置。宋分置南流郡。齊梁為定川郡。隋屬合浦郡。唐武德二年。於今夷州義

全縣置義州。五年改為智州。貞觀十二年。改為牢州。以牢石為名。天寶元年改為定川郡。乾元元年復為牢州。本蜀郡。徼外蠻夷地。漢牂牁郡地。元

一統志。宋會要云。牢州定川郡。開寶五年廢。省定川宕川二縣。入南流。隸鬱林州。寰宇記。廢平琴州。本平琴州。理容山縣。漢鬱林郡地。唐置平琴州。

建中二年併入黨州。元領容山懷義二縣。尚列於廢黨州。其福陽古符二縣。已絕其址。舊長慶時。管戶七百四十。西至鬱林州九十里。東至黨州二

十五里。其盤歲八熟。多翡翠孔雀。其地近海。元一統志。故白州。元和志云。古越地。漢為合浦縣地。唐武德四年置南州。六年改為白州。宋會要云。開

寶五年廢白州隸廉州。七年復置。政和元年廢隸鬱林州。政和三年復。紹興八年州又廢屬。

陸川縣。寰宇記廢焉州。本温水郡。理義石縣。故越地。婁女之分野。秦屬象郡地。隋合浦郡之定川縣。唐武德四年置南宕州。領南昌定川。陸川。思城。温水。宕川。陸縣。治南昌縣。貞觀六年移治定川。八年改為潘州。仍廢思城縣。總章元年改為東峩州。移治峩石縣。二年改為焉州。以番禺地為名。其州有三梁。高州之民。天寶元年改為温水郡。乾元元年復為焉州。宋開寶五年州與縣俱廢。入容州。輿地紀勝寰宇記云。在陸川縣。宋會要云。開寶廢州。省峩石。扶萊。羅。辨三縣。入容州北流縣。寰宇記廢。補州。本常林郡。理常林縣。土地所屬。與梧州同。漢阿林縣地。隋開皇十年。以阿林縣屬尹州。大業二年。改尹州為鬱州。唐武德四年。析貴州之鬱平縣。置林州。領常林。阿林。皇化。歸誠。羅。補。盧。越等縣。六年改為補州。貞觀六年。省歸誠。盧。越二縣。七年以皇化屬淨州。天寶元年改為常林郡。乾元元年復為補州。宋開寶六年。州與縣俱廢。入容州。其州元有俚獠三種。言語不同。偶月為婚。不知禮節。輿地紀勝寰宇記云。在陸川縣。元一統志廢順州。寰宇記云。在陸川縣。本順義郡。在白州之東北。宋開寶七年廢州縣。入容州。

永樂大典卷二千三百四十一

本府蒼梧志。管石縣。產管石。其地因以得名。人鑿之為器用。號五侯石。蒼梧縣。寰宇記戎城縣。南二十里。舊二鄉。今五鄉。本遂城縣。屬永平郡。隋開皇十一年。屯軍於縣南歌羅洞。改為戎城縣。屬感義郡。唐永徽六年。復隸梧州。元一統志東北至州二十里。梁於此置遂城縣。隋開皇十年改為戎城縣。今廢。唐志云。本隸藤州。永徽中來屬。光化四年。馬殷表隸桂州。後復屬梧州。九域志云。開寶五年。省為鎮。入蒼梧。六年復置縣。熙寧四年。復省為鎮。入蒼梧。輿地紀勝孟陵縣。唐志云。本隸藤州。貞觀八年來屬。光化中。馬殷表隸桂州。元一統志去州北九十里。本漢猛陵縣。屬蒼梧郡。蕭統借號於此。改置孟陵縣。在潯江。宋開寶五年。省為鎮。入蒼梧縣。寰宇記又猛陵縣。西接永平安析縣也。山榮翠羽。故周書王會篇曰。蒼梧翡翠。亦出於交趾。元一統志故丹城縣。西南有銅山。銅湖。朱砂。亦出銀。丹城併入蒼梧。故新寧縣。西接臨賀富川二縣。有獨足鳥。喙脚皆赤。藻縹相輝。併入蒼梧。遂城廢縣。在蒼梧縣管內。有夫任山。有巨人跡。文理明朗。在山頂。長三尺六寸。山之東有銀穴。俚人常採鍊砂成銀。廣寧廢縣。去郡東沿流。有金烏翰羽如王。喙脚如金。號白商羊。水之神也。寰宇記又思安縣。去郡沿流七百里。北接廣信縣。隔大江有石井。泉源騰湧。注而不竭。元一統

志安折縣。在蒼梧縣管內。有峯波羅樹。生絕石懸崖。性至堅白。墜腫盤結。堪為器焉。龍都廢縣。刺史陸微所立。有巨石四面峻險。但人謂之乳石。以為名。西北二百里。有孫皓分州立石處。建陵廢縣。在建水。因有山多鍾乳。及石英。開煙採影。潤連風雨。

岑溪縣。元一統志廢連城縣。在南儀州東南八十里。本漢端溪縣地。唐武德五年分瀧州之正義縣置。宋開寶五年廢。入岑溪。案字記廢永業縣。在州東北一百里。舊安義縣。至德年中改。元一統志廢安業縣。在南儀州東北一百里。本陳永業郡。隋改為縣。屬樂州。永徽後屬義州。宋開寶五年廢。入岑溪。與地紀勝廢龍城縣。舊屬義州。今廢。元一統志廢義成縣。在南儀州東。唐武德五年置。屬南儀州。宋開寶五年廢。入岑溪。

藤縣。與地紀勝故義昌縣。元和志云。本名安昌縣。梁證聖元年置。天寶二年改為義昌縣。正元元年。移義昌縣額於林安鄉置今縣。其舊縣改為鄉。隸入潭津縣。九域志云。開寶五年廢。入鐔津縣。元一統志廢寧風縣。在藤州西一百里。宋開寶五年省。入鐔津。廢感義縣。在藤州南九十里。本淳民縣。在義江。唐武德改為感義縣。此縣出秦古了。宋開寶五年省。入鐔津。青草縣。在大江心。屬鐔津縣。元和志云。縣之孤夷其名也。有神牙長二

寸食人。性嗜人掌跡。得人即懸之室內。當面鋪坐。擊鐘鼓歌舞飲酒。稍割而噉之。方於農時。獵人以祀田神。

鬱林州。元一統志廢善勞縣。在州境舊黨州理所。案字記廢容山縣。曾為黨州之治所。與地紀勝廢撫安縣。案字記云。在廢黨州東一十五里。與地廣記云。本西甌之地。唐永淳中開古黨洞。立黨州。併置撫安縣。開寶七年省。入南流。案字記廢懷義縣。在舊州西北二十里。已上四縣。與州同置。宋開寶七年。同廢入牢州南流縣。屬鬱林州。京觀征古黨洞。殺俘虜處。元一統志廢定川縣。在廢牢州西北四十五里。與宕川縣。皆唐貞觀十年分南流縣置。宋開寶七年同併入南流。按圖經。所廢七縣境內地名。案字記廢宕川縣。已上二縣。是貞觀十一年分南流縣置。宋開寶七年。同廢入南流。陸川縣。與地紀勝廢渭龍縣。案字記云。在陸川縣。唐武德四年。析普寧縣置。唐志有渭龍縣。廢欣道縣。案字記云。在陸川縣。唐置。已上宋併入普寧縣。唐志有欣道縣。元一統志廢龍城縣。在陸川縣。武德四年。又析北流縣置。宋併入北流。唐志謂之陵城縣。案字記云。案字記廢阿林縣。在廢州東北五十里。本漢舊縣。元屬鬱林郡。歸城縣。入常林縣。仍移理廢歸誠縣故城。元一統志廢常林縣。在陸川縣。本漢阿林縣地。唐武德四年置常



林縣屬林州。貞觀六年省歸城縣。入常林縣。仍移理廢歸城縣城。按寰宇記云。寰宇記廢羅繡縣。在廢州東六十四里。唐武德四年。析阿林縣置。元一統志廢峨石縣。在陸川縣。本秦象郡地。晉宕昌郡之邊邑。為禹州所治也。寰宇記云。廢羅繡縣。在陸川縣。舊州西南一百里。本隋高涼郡。唐武德四年置。名陸川。貞元中。改為羅繡縣。寰宇記云。廢扶萊縣。在陸川縣。舊州東南八十里。唐武德四年置。寰宇記云。廢龍豪縣。在陸川縣。廢州之郭下。寰宇記云。寰宇記廢南河縣。在廢州四十里。三梁故縣。烏淅所築。俗云三梁。烏淅。即此地也。毒霧恒昏。上饒瘴氣。廢溫水縣。唐武德四年。析南昌置。傳白縣。寰宇記廢建寧縣。在縣西六十里。唐武德四年。析合浦縣置。貞觀十二年省。淳良縣入。廢周羅縣。在縣東九十里。武德四年。析金寧縣置。廢南昌縣。在縣北九里。隋舊縣。在潘州。後割來屬。

興業縣。元一統志廢石南縣。漢鬱林郡地。梁置林州。陳置石南郡。隋改為縣。後因潭栗縣。並廢入興業。寰宇記廢潭栗縣。已上二縣舊廢。輿地紀勝。廢鬱平縣。元和志云。本漢廣鬱縣地。吳改廣鬱為陰平。晉又改。九域志云。開寶五年省。元一統志。隋縣屬貴州。後來屬在興業縣北三十里。宋開寶七年。併入興業。今縣有鬱平鄉。沈懷遠南越記曰。鬱林郡。其地常隱隱有聲響。如踐空地。又舊縣之南有石室。寰宇記廢興德縣。在興業縣西二十七里。唐武德四年。分鬱林置。已上二縣。宋開寶七年。併入興業縣。輿地紀勝。唐志云。蕭銑析石南縣為興德縣。輿地廣記。開寶五年省。

容縣。輿地紀勝。尋春橋。邵守王過有詩。

蒼梧縣。寰宇記金坑。孟陵縣古錢村。有金坑三所。鬱林州。元一統志。朱砂坑。在南流者二。傳白者三。今俱廢。金坑在南流縣南。又廢。

傳白縣。元一統志。鍾山。在傳白縣。元和郡縣志云。伏割山。在傳白縣西四十里。多鸚鵡孔雀。

蒼梧縣。元一統志。斑石。輿地記曰。廣信縣之東有孤巖。上有斑石。皆五色。輿地紀勝。五侯石。寰宇記。管石縣。生管石。號為五侯石。

鬱林州。寰宇記。宰石。高四十丈。周廻二十里。因此為石。獸頭石。已上皆郡界之山名。元一統志。響石。在南流縣西北二十里。道左亂石中。扣之其聲清越。平烏石。在南流縣。寰宇記。西甌志。並云。

北流縣。元一統志。冷石。舊唐志云。北流其土少鐵。以管石燒為器。以烹魚鮭。北人名五侯焦石。一經火。火之不冷。即今之滑石也。亦名冷石。寰宇記。

# 永樂大典

## 卷二三四一

云。南人謂滑石為管石。

陸川縣。寰宇記象石似象故也。已上並禺州之山水也。輿地紀勝射爐石。在陸川縣。九域志云。山形如香爐。五侯石。寰宇記云。在陸川縣。寰宇記新婦石如婦人狀。

博白縣。鬱林志獅子石。在縣城南六十里。其形肖獅子蹲於野。故名。寰宇記宴石。昔越王宴處。

陸川縣。元一統志石印。在陸川縣禺州。石印似印。石紋如篆。郡國志云。

鬱林州。元一統志白馬巖。在南流縣西十餘里。石室深十餘丈。有佛像。山巔有石。望之如馬故名。石狗巖。在南流縣南五里。

蒼梧縣。輿地紀勝雙龍洞。在州東北一里。羅漢寺。接雙龍洞。碑云。水泉之側有洞。其上有庵。庵前雙松干霄。有飛騰凌夭矯之勢。

博白縣。元一統志將軍洞。一曰飛鼠洞。在博白縣南三十里。其洞三重。石室虛明。中有石田石龍石粟。石泉分溫涼而流。有刻石南州大首領將軍。龐孝秦十字。西甌圖志云。

蒼梧縣。元一統志三河口。漢陳稚升為太守釣魚于此。

陸川縣。元一統志石湖。在陸川縣東。其水清潔。上有山。亦以石湖名。

興業縣。元一統志溫泉。在興業縣南二十里。源出陵青山將軍穴。冬夏恒煖。千泉。在興業縣南三十里。亦溫也。

蒼梧縣。方輿勝覽水井。宋宣和間。郡守蕭磐訪求得之。詩云。井名未磨滅。自我發沉晦。元一統志在州東北一里。澄湛不涸。味甘且冷。唐大曆三年。元結過郡。目曰水井。又為銘。刻石泉上。景定十三年。令冰起。有倉卒於山頂為葬穴者。自後此井飲之淡而無味。

容縣。元一統志臺井。在普寧縣。

鬱林州。輿地紀勝石井。沈懷遠南越記曰。鬱林縣有石井。半甘半淡。俗謂之司命井。井周給閭境。見寰宇記。

藤縣。元一統志白沙灣。在鍾津縣東五十里。

鬱林州。元一統志五龍灣。在南流縣。輿地紀勝云。

博白縣。元一統志銅鼓潭。在博白縣。舊經云。昔有水神。持銅鼓浮水擊之。聲駭村落。暮沈水中。

蒼梧縣。輿地紀勝白鶴樓。在州城上之西。

容縣。輿地紀勝獨秀樓。在子城上。大雲樓。在州東城之上。樵樓。在城內州門。遠意樓。在郡治。明遠樓。在城之東南。逍遙樓。在城之正南。

面面樓。在郡治。野望閣。在城之東北。

蒼梧縣。輿地紀勝四望亭。在城東北。漾月亭。在城東舒蕭亭之下。負東山。誇鰲池。水光山色。照映左右。蒼梧絕景也。鳳樓亭。在子城上。嘉魚亭之西。祥光亭。在火山。

藤縣。元一統志南浦亭。在州城東。秦觀字少游嘗憩于此。今廢。容縣。輿地紀勝賞心亭。郡守王遇有詩。

鬱林州。輿地紀勝望雲亭。在郡治。南澗亭。石安民有詩。浸碧亭。王遇有詩。賞心亭。郡守王遇有詩。

蒼梧縣。元一統志讀書臺。在州城五十里。與赤溪山廣嚴寺相對。其上有石如砥。俗手李白讀書臺。

岑溪縣。元一統志風伯山古臺。在岑溪縣。岑雄臺。在岑溪縣。東臺。在岑溪縣。

鬱林州。元一統志  
儂女臺。在南流縣。

# 永樂大典卷之二千三百四十一

永樂大典卷之二千三百四十一

十八